

著護明菩薩復更別告一天女言我等可至  
閻浮提中觀我大家護明菩薩於何處生彼  
天女言我今亦樂於閻浮提何以故我之大  
家欲生彼處是故我亦願在彼間時二天女  
復相謂言我亦不爲此大家故願往至彼何  
以故我此大家往閻浮提則有無量無邊衆  
生種諸善根於中信受而行教化復有無量  
無邊衆生修諸福業來生此處

## 佛本行集經卷第五

十五 令

苗裔下羊迷上音梯  
迷反繼襲下音襄習搏毛捺城上奴代反緣決

上音迷下毗紐下女反掘其勿茅草上莫反繼嗣寺下音涕滴滴反開剖剖反炬炬反火必辜火反捕捕反步坎坎下口反堆  
展屏處屏處上音擯出上必辜音拂外生反乘乘上賀反漁漁反鞞鞞反堆  
乃古畜牧畜牧目反乘乘上唐反漁漁反鞞鞞反堆  
阜上丁回友壑呼各塵埃埃反蔚茂蔚茂上音薦一音畏  
下莫儻鑠儻鑠上音叔反枝柯枝柯下音歌反醯醯呼芳馨鹿

章 上音鳩鵠 下音文 精 龕鼈龍 元陀 螺蟀 下蒲  
鳬 夫 鶩 鳩 二字音 翁鱗 上音翁 又夷者  
下告閻頭上音悅嬉戲上許喘息上尺萎烏爲  
庚反

## 佛本行集經卷第六

令六

隋天竺三藏法師闍那崛多譯

上託兜率品下

尔時兜率天衆之中有一天子名曰金園往  
昔已來數曾下到閻浮提地護明知已告金  
園言金園天子汝數下至閻浮提中汝應知  
彼城邑聚落諸王種族一生菩薩當生何家  
金園天子報言尊者我甚知之尊者善聽我  
今當說護明言善金園說言此之三千大千  
世界有一菩提道場處所在彼閻浮摩伽陀  
國境界之內是昔諸王成阿耨多羅三藐三  
菩提處尊者護明彼中有河名爲恒河其河

南岸有於一山是舊仙人所居停處然其彼處名毗闍羅亦名般茶婆毗富羅者闍崛山共相圍遶以爲眷屬彼山牢固其色猶如綠摩尼寶中有聚落名曰山饒去山不遠有一大城名爲王舍其城往昔有一王仙名優茶波梨種姓以來常爲王治妃是善見大王之族爲大夫人其子爲王名婆奚迦今現治在摩伽陀國繼彼優茶王仙之後尊者護明往生閻浮堪爲彼王作於長子護明菩薩報金園言雖有此理但彼王種父母不淨其城與邊地勢崎阜高下不平純是溝坑土沙礫石荆棘諸草少有泉池諸河流水樹木苑囿華菓園林是故汝今可更別觀餘刹利種金園天子復作是言尊者護明憍薩羅國舍婆提城其彼城有王名跋耆移羅耶是憍薩羅大國之主其身巨力多有人民尊者堪爲彼王作子護明菩薩報金園言此理雖然但彼國主憍薩羅王是摩登伽苗裔種類父母不淨雜穢而生兼上出來非是王種小心下賤意氣不高又其家中資財薄少雖有七寶金銀瑠璃瑪瑙真珠不能具足是故汝今別更爲我觀諸刹利堪我生處

金園天子復作是言尊者護明彼跋蹉國拘睞彌城王名千勝其王有子名爲百勝彼王多有象馬七珍四兵具足尊者堪爲彼王作子護明菩薩報金園言此理雖然但跋蹉王母不賢良從他丈夫生於是子非正王種然其彼王亦長宣說斷見之事是故汝更觀餘刹利我何處生

令集六二  
金園天子復作是言此金剛國有一城邑名毗耶離穀米豐饒無有饑饉人民安樂國土汝今可更別觀其餘王種堪我生處金園天

莊嚴譬如天宮一種無異彼城國王樹王之子種姓清淨無可譏嫌彼國王宮庫藏之內多有金銀珍寶等物一切具足無所乏少尊者堪爲彼王作子護明菩薩報金園言此理實然毗耶離主上壯已來真是王種但彼國人心性剛強各各自用稱我是王惰慢熾盛放逸自高不共其餘異類相雜又無尊卑大小禮節自言我解自言我知雖復有王不肯承事云自法是不從他求是故汝今更觀餘處利利王種我生何處

金園天子復作是言尊者護明彼摩波槃提金園天子復作是言尊者護明彼摩波槃提國有優闌耶那城明燈王子名爲滿足居住彼城其王身體大有威力多諸左右能破一切敵國怨家尊者堪爲彼王作子護明菩薩報金園言此理雖然但彼國王無有一法可轉之行嚴酷暴惡不信因果是故汝今可更別觀餘王種姓任我生處

金園天子復作是言尊者護明彼闍浮提摩

頭羅城有一大王名曰善臂其子稱爲自在健將尊者堪爲彼王作子護明菩薩報金園言此理雖然但彼國王邪見家生以如是故一生捕處菩薩大士不得生彼邪見之家是故汝今可更別觀餘王種姓我何處生

金園天子復作是言尊者護明此白象城般細王種勇健威猛可喜端正出無有雙能破強隣一切怨敵尊者堪爲彼王作子護明菩薩報金園言此理雖然但般細王種姓清淨爲彼雜類之所擾亂何以故彼王長子名踰地師繙羅是於梵天法王之子第二名爲毗摩斯那風神王子第三名爲頰純那者是帝釋子復有二子別母而生一名那拘羅二名婆訶提婆此二子者是星宿天阿輸那子是故汝今可更別觀餘王種姓我何處生

金園天子復作是言尊者護明彼闍浮提窯象馬車乘牛羊一切資生悉皆具足無量衆

反  
立  
私  
漢  
他  
梨

金園天子復作是言尊者護明彼闍浮提窯

集六

三

寶庫歲豐盈金銀真珠未嘗乏少彼王善友常樂勸修法行之事尊者堪爲彼王作子護明菩薩報金團言此理實然其善友王雖有如是具足之法但彼國王年老衰邁更不復能管理國務又其王今多饒諸子是故汝今可更別觀餘王種類我何處生

金團天子復作是言此等並是中國之王復更別有邊地之國邪見諸王毗紐海洲有一國主婆羅門種治化在於毗紐之上名月支王父母種姓清淨具足兼解祭祀諸天之法四毗陀論皆悉了知尊者堪爲彼王作子護明菩薩報金團言此理雖然但我下生出家成道要須刹利不欲生彼婆羅門家是故汝今唯覓刹利我生何處

金團天子復作是言我於閻浮一切諸國處處聚落處處諸王處處林舍處處城邑處處刹利各住諸城而是刹利造種種業我爲尊者經歷已來生於無量波極苦惱心迷意亂

集六

四

更不復能觀看餘處設復觀察口亦不能如是宣說護明菩薩報金團言實如汝語然汝要須爲我選覓一刹帝利清淨之家堪我生處金團天子復作是言我爲尊者苦惱愁憂處處觀察忽然忘失一刹利家護明菩薩問金團言其名云何金團白言有一刹利元本以來從於大衆平量安立世世轉輪聖王之種乃至甘蔗苗裔已來子孫相承在彼迦毗羅婆蘇都釋種所生其王名爲師子煩王其子名爲輸頭檀王一切世間天人之中有名稱尊者堪爲彼王作子護明菩薩報金團言善哉善哉金團天子汝善觀察諸王家種我亦念在於此家生我今深心如汝所說金團當知我定往生彼家作子金團往昔一生補處菩薩所託家者有六十種功德具足滿於彼家何等六十十彼家本來清淨好種一切諸聖恒觀彼家二彼家不行一切惡事三彼家所生悉皆清淨四彼家種姓真正無雜五

彼家體胤嫡嫡相承無有斷絕六彼家昔來不斷王種七彼家所生一切諸王皆是往昔深種善根八生彼家者常爲諸聖之所讚嘆九彼家生者具大威德十彼家多有端正婦女十一彼家多有智慧男兒十二彼家所生心性調順十三彼家所生無有戲謔十四彼家生者無

集六

所可畏五彼家生者不曾怯弱六彼家生者聰明多智七彼家生者多解工巧八彼家生者皆畏過罪九彼家所生不與世間工巧雜合亦不貪財以爲活命十彼家所生常存朋友十一彼家所生不以殺害諸虫諸獸以自活命十二彼家種姓恒知恩義十三彼家種族能修苦行十四彼家所生不隨他轉十五彼家所生不曾懷恨十六彼家所生不結癡心十七彼家生者不以怖畏隨順於他十八彼家生者畏殺害他十九彼家生者無有罪患二十彼家生者乞食得多二十一至彼家者無空發遣二十二彼家剛強難可降伏二十三彼家

法則恒出禮律二十四彼家常樂布施衆生二十五彼家建立因果勸劬二十六彼家所生出間勇健二十七彼家恒常供養一切諸仙諸聖二十八彼家恒常供養神靈二十九彼家恒常供養諸天三十彼家恒常供養丈夫三十一彼家歷出無有怨讐三十二彼家名聲威振十方三十三彼家一切諸家爲最三十四彼家生者上出已來悉是聖種三十五彼家生者於聖種中最爲第一三十六彼家生者恒是轉輪聖王之種三十七彼家生者是大威德人之種姓三十八彼家生者多有無量眷屬圍遶三十九彼家生者所有眷屬勝一切人四十彼家生者悉孝養母四十一彼家生者皆孝順父四十二彼家生者悉皆供養一切沙門四十三彼家生者悉皆供養諸婆羅門四五彼家生者豐饒五穀倉庫盈溢四十六彼家生者多有金銀碑磲瑪瑙一切資財無所乏少四十七彼家生者多畜奴婢象馬牛羊一切

具足五十五彼家生者不曾事他五十彼家生者如是一切衆事具足於世間中無所乏少十六金園天子凡是一生補處菩薩處於母胎彼母若有三十二種相具足者乃能堪受菩薩在胎何等名為三十二事一彼母人正德而生二彼母人支體具足三彼母人德行無集六六

缺四彼母人所生得處五彼母人爲行廣幾六彼母人種類清淨七彼母人端正無比八彼母人名字德稱九彼母人身體形容上下相稱十彼母人未曾產生十一彼母有大功德十二彼母恒念樂事十三彼母心常隨順一切善事十四彼母無有邪心十五彼母身口及心自然調伏十六彼母心無所畏十七彼母多聞懷持十八彼母極女工巧十九彼母心無詛曲二十彼母心無謊詐二十一者彼母人心無有瞋恚二十二者彼母人心無有嫉妒二十三者彼母人心無有慳惜二十四者彼母人心無有急速二十五者彼母人

心難可迴轉二十六者彼母人體有至德相二十七者彼母人心能懷忍辱二十八者彼母人心有慙有愧二十九者彼母人行薄姪慾癡三十者彼母人行無女家過三十一年者彼母人行孝順向夫三十二者彼母出生一切諸德一切諸行皆悉具足如是母人乃能堪受一生補處後身菩薩欲入母胎之時取鬼宿日然後乃入於母胎中其受一生補處菩薩胎母已前其母必須受八關齋然後善薩入於彼胎

護明菩薩復作是言我今受有不爲世間一切錢財五慾快樂故下人間受此一生惟欲集六七

安樂諸衆生故哀愍苦惱諸衆生故余時衆中有一天女告於其餘一天女言我等大家護明菩薩必下人間我等此宮違離護明菩薩大士云何令我心樂此處第二天女即報之言奈何奈何我等今者共作何事令於我等得往人間善觀彼家護明菩薩所

生之處第三復有一天女言願我等今捨此天壽今我等往彼處受生何以故我等亦願至於彼處共我護明菩薩同生第四復有一天女言汝等相與莫生悔心何以故我等大家護明菩薩尚捨天壽生於人間況復我等更復有一天女稱言尊者護明今者下生於閻浮提唯願大士莫忘我等時護明菩薩告於彼等諸天女言汝等莫大生於苦惱我前已爲汝等說於一切有處皆悉無常如芭蕉莖無有堅實如借物用必須還他非我已有猶如陽炎幻化水泡一切有處皆是誑惑愚蠢之人謂言常住

時彼衆中有一天子悵怏心愁口復唱言觀此菩薩所說生處無常不真咄哉我等何假須樂於此生處我等今見護明菩薩如是功德具足之體生兜率天此兜率宮如是福聚如是端正如是微妙如是莊嚴護明菩薩捨離下生咄哉我等云何獨在此無常境

余時復有第二天子答彼第一初天子言善哉天子如是如是如汝所說而作偈言  
我此護明大菩薩往昔在於諸有中常捨極所愛婦兒奴僕象馬財珍寶或復割截身骨肉頭目髓腦血皮膚如是求索悉不違或百或千皆施與余時衆中復有天子而說偈言  
咄哉我等身在此天宮生常恐今當墮人怖死亦然何有生法中福業不盡者諸是無常界衆生悉命終  
護明菩薩告諸天言汝等天人須知一切世間別離生死爲本汝等爲我莫苦憂愁何以令八集六

者護明尊者不凡生於人間此兜率宮所有威德及諸天福尊悉將去尊受人間末後有身我等諸天云何奉事護明菩薩告彼一切諸天衆言我前所生五種衰相汝等復說無常因緣如是法門汝等常須繫念在心勿令忘失我今此處下生人間當得阿耨多羅三藐三菩提轉於無上最妙法輪汝等諸天子各願下人間受身生彼處已汝等當得解脫一切諸煩惱苦

尔時護明菩薩觀生家已時兜率陀有一天宮名曰高幢縱廣正等六十由旬菩薩時時上彼宮中爲兜率天說於法要是時菩薩上於彼宮安坐訖已告於兜率諸天子言汝等諸天應來聚集我身不凡下於人間我今欲說一法明門名入諸法相方便門留教化汝最後汝等憶念我故汝等若聞此法門者應生歡喜時兜率陀諸天大眾聞於菩薩如此語已及天王女一切眷屬皆來聚集上於彼

集六

九

宮護明菩薩見彼天衆聚會畢已欲爲說法即時更化作一天宮在彼高幢本天宮上高大廣闊覆四天下可喜微妙端正少雙威德巍巍衆寶莊飾一切慾界天宮殿中無匹喻者色界諸天見彼化殿於自宮殿生如是心如塚墓想時護明菩薩已於過去行於實行種諸善根成就福聚功德具足所成莊嚴師子高座昇上而坐護明菩薩在彼師子高座之上無量諸寶莊嚴間錯無量無邊種種名衣而敷彼座種種妙香以熏彼座無量無邊寶爐燒香出於種種微妙香花散其地上高座周匝有諸珍寶百千萬億莊嚴放光顯耀彼宮彼宮上下寶網羅覆於彼羅網多懸金鈴彼諸金鈴出聲微妙彼大寶宮復出無量種種光明彼寶宮殿千萬惱蓋種種妙色映覆於上彼大宮殿垂諸流蘇無量無邊百千萬億諸天王女各持種種七寶音聲作樂讚歎說於菩薩往昔無量無邊功德護世四王

百千萬億在於左右守護彼宮千萬帝釋禮  
拜彼宮千萬梵天恭敬彼宮又諸菩薩百千  
萬億那由他衆護持彼宮十方諸佛有於萬  
億那由他衆護念彼宮百千萬億那由他劫  
所修行諸波羅蜜福報成就因緣具足日夜  
增長無量功德悉皆莊嚴如是如是難說難  
說彼大微妙師子高座菩薩坐上告於一切  
諸天衆言汝等諸天今此一百八法明門一  
生補處菩薩太子在兜率宮欲下託生於人間  
者於天衆前要須宣暢說此一百八法明門  
留與諸天以作憶念然後下生汝等諸天今  
可志心諦聽諦受我今說之一百八法明門  
者何

正信是法明門不破堅牢心故

淨心是法明門無濁穢故

歡喜是法明門安隱心故

愛樂是法明門令心清淨故

身行正行是法明門三業淨故

集六

十

口行淨行是法明門斷四惡故  
意行淨行是法明門斷三毒故  
念佛是法明門觀佛清淨故  
念法是法明門觀法清淨故  
念僧是法明門得道堅牢故  
念施是法明門不望果報故  
念戒是法明門一切願具足故  
念天是法明門發廣大心故  
慈是法明門一切生處善根攝勝故  
悲是法明門不殺害衆生故  
喜是法明門捨一切不喜事故  
捨是法明門厭離五慾故  
無常觀是法明門觀三界慾故  
苦觀是法明門斷一切願故  
無我觀是法明門不染著我故  
寂定觀是法明門不擾亂心意故  
慚愧是法明門内心寂定故  
羞耻是法明門外惡滅故

實是法明門不誑天人故  
真是法明門不誑自身故  
法行是法明門隨順法行故  
三歸是法明門淨三惡道故  
知恩是法明門不捨善根故  
令集六士報恩是法明門不欺負他故  
不自欺是法明門不自譽故  
爲衆生是法明門不毀訾他故  
爲法是法明門如法而行故  
知時是法明門不輕言說故  
攝我慢是法明門智慧滿足故  
不生惡心是法明門自護護他故  
無障礙是法明門心無疑惑故  
信解是法明門決了第一義故  
不淨觀是法明門捨慾染心故  
不諍闡是法明門斷瞋訟故  
不癡是法明門斷殺生故  
樂法義是法明門求法義故

愛法明是法明門得法明故  
求多聞是法明門正觀法相故  
正方便是法明門真正行故  
知名色是法明門除諸障礙故  
除因見是法明門得解脫故  
無怨親心是法明門於怨親中生平等故  
除方便是法明門知諸苦故  
諸大平等是法明門斷於一切和合法故  
諸入是法明門修正道故  
無生忍是法明門證滅諦故  
身念處是法明門諸法寂靜故  
受念處是法明門斷一切諸受故  
心念處是法明門觀心如幻化故  
法念處是法明門智慧無翳故  
四正慇是法明門斷一切惡成諸善故  
四如意足是法明門身心輕故  
信根是法明門不隨他語故  
精進根是法明門善得諸智故

念根是法明門善作諸業故

定根是法明門心清淨故

慧根是法明門現見諸法故

信力是法明門遇諸魔力故

精進力是法明門不退轉故

念力是法明門不共他故

集六

十二

定力是法明門斷一切念故

慧力是法明門離二邊故

念覺分是法明門如諸法智故

擇法覺分是法明門照明一切諸法故

精進覺分是法明門善知覺故

喜覺分是法明門得諸定故

除覺分是法明門所作已辦故

定覺分是法明門知一切法平等故

捨覺分是法明門厭離一切法故

正見是法明門得漏盡聖道故

正分別是法明門斷一切分別無分別故

正語是法明門一切名字音聲語言知如響故

正業是法明門無業無報故

正命是法明門除滅一切惡道故

正行是法明門至彼岸故

正念是法明門不思念一切法故

正定是法明門得無散亂三昧故

菩提心是法明門不斷三寶故

依倚是法明門不樂小乘故

正信是法明門得最勝佛法故

增進是法明門成就一切諸善根法故

檀度是法明門念念成就相好莊嚴佛土教

化慳貪諸衆生故

戒度是法明門遠離惡道諸難教化破戒諸

集六

十三

衆生故

忍度是法明門捨一切瞋恚我慢詭曲調戲

教化如是諸惡衆生故

精進度是法明門悉得一切諸善法教化懈怠諸衆生故

禪度是法明門成就一切禪定及諸神通教

化散亂諸衆生故

智度是法明門斷無明黑暗及著諸見教化

愚癡諸衆生故

方便是法明門隨衆生所見威儀而示現教化成就一切諸佛法故

四攝法是法明門攝受一切衆生得菩提已施一切衆生法故

教化衆生是法明門自不受樂不疲勸故

攝受正法是法明門斷一切衆生諸煩惱故福聚是法明門利益一切諸衆生故

修禪是法明門滿足十力故

寂定是法明門成就如來三昧具足故

慧見是法明門智慧成就滿足故

入無礙辯是法明門得法眼成就故

入一切行是法明門得佛眼成就故

成就陀羅尼是法明門聞一切諸佛法能受持故

得無礙辯是法明門令一切衆生皆歡喜故

順忍是法明門順一切諸佛法故  
得無生法忍是法明門得受記故

不退轉地是法明門具足往昔諸佛法故  
從一地至一地智是法明門灌頂成就一切智故

灌頂地是法明門從生出家乃至得成阿耨多羅三藐三菩提故

尔時護明菩薩說是語已告彼一切諸天衆言諸天當知此是一百八法明門留與諸天汝等受持心常憶念勿令忘失

佛本行集經卷第六

令六

堆阜上丁  
回反  
居移跋蹉下七  
拘駁染下式  
反羈

一計上羊  
反軌俱水嚴酷下苦  
繩羅上丑

進嫡音戲的戲調下徒  
勸劬下音些訾此二同

泡音牠悵快上丑  
於向反咄丁骨  
下反皮膚下音  
夫匹

喻上音是字